

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Alexandri Magni Regis Macedonum vita

Gualterus <de Castellione>

Argentin., 1513

VD16 G 3848

Liber Nonus

[urn:nbn:de:bsz:31-327103](https://nbn-resolving.org/urn:nbn:de:bsz:31-327103)

LIBER NONVS



N nono magnus collatis viribus In-
dos

Turbidus aggreditur; sed fata deosq;
moratur (orum

Armipotēs Porus: speciali flenda du
Mors iuuenum. planctu partem turbauit vtramq;
Magnus vt hostilem tenuit cum milite ripam
Concurrere acies: sed fracto deniq; Poro
Franguntur reii qui cum toto oriente tyranni
Saltus Alexandri mirabilis agmina graium
Seditione mouet; mirabiliusq; stupende
Propositum mentis; noua mittit in arma cohortes

¶ Liber Nonus:

Ultima terribiles macedum sensura tumultus
India restabat; multo sudore domanda
Et grauibus bellis quam dum petit ille. deorum
Emulus in terris; Clytus Emolauis & eius
Doctōr Aristoteli preter quem nemo secundus
Extremum claufere diem; documenta futuris
Certa relinquentes; etenim testatur eorum
Finis amicitias regum non esse perennes.

India tota fere nascenti subdita Phœbo
Eoum spectat audaci vertice tractum
Et qua parte situm lybies despectat & austrum
Altius erigitur tellus; & in æthera tendit
Cætera plana iacent; vbi magni nominis a se
Caucasus emicuit rapidis occursibus amnes

ALEXANDREIDOS

Sed reliquis a quo fortita est India nomen
 Indus frigidior; australi parte iugofus
 Montibus inuehitur; directo gurgite ganges
 Totius fluuijs orientis maior vterq;
 Turbidus extensis rubrum mare verberat vndis
 Robora multa solo radicitus eruta magna
 Abforbet cum parte solis; si fortibus vndis
 Molle solum reperit; stagnat tellusq; fluentum
 Insula facta bibit; intercipit in mare Ganges
 Decursurum Achesina; magnus occurrit vterq;
 Motibus, & rapido inter eos colliditur estu
 Præterea volucris famę si creditur; aurum
 Illa fluenta vehunt gemmasq; & cętera; quę sunt
 Vtterius solito nostris preciosa diebus
 Gentibus eois hinc est opulentia; namq;
 Hijs vbi vulgauit dicatos mercibus Indos
 Fama loquax; toto celeris concurret ab orbe
 Natio; ridentes gemmas emptura rubentis
 Purgamenta freti; quę parui ponderis in se
 Sola sibi fecit hominum preciosa libido
 Ergo vbi Pelleum prolem Iouis omnia mundi
 Regna flagellantem Macedum virtute suisq;
 Finibus appulsum stupefactis auribus Indi
 Accepere duces; coeunt formidine mersa
 Muneribus placare deum; traduntq; refectas
 Diuicijs vrbes, sed in illis maximus horis
 Solus Alexandro magno conamine porus

LIBER NONVS

Obuius ire parat, veluti cum parte reuulsa
 Alpini lateris ruit alta per ardua rupes
 Obuia confringens sinuoso turbine saxa
 Si vero stygios penetrans radice recursus
 Instar ei montis occurrit Saxea moles
 Fit fragor, & magnis conflagunt viribus ambę
 Audit Alexander armato milite Porum
 Indorum fines; regniq; extrema tuentem
 Armorum speciem; toto pretendere nisu
 Oblatamq; sibi; poro mediante triumpho
 Affore materiam gaudens; rapit agmina cursu
 Precipiti; rapidumq; petit festinus ydaspen
 Cuius disponens acies in margine ripę
 Vterioris erat; collecto robore porus
 Maior & horridior ceteris elephantibus; ipsum
 Belua terribilis immensa mole vehebat
 Humanicq; modum transgressum corporis auro
 Arma tegunt regem; niueo distincta metallo
 Par animus membris; & quanto corpore cunctos
 Excedit, tanto est reliquis prestantior Indis
 Terruerat grecos non tantum turbidus hostis
 Sed vehemens fluuij rate traicienda vorago
 Instar erat maris vndisoni speciesq; profundi
 Quatuor in latum stadijs diffusus ydaspes
 Alueus altus erat; nusquam vada; transitus ergo
 Nauigio querendus erat, sed barbarus hostis
 Stabat ab opposito; qui tela similima nimbo

q iij

ALEXANDREIDOS

In medium spargens facta statione cupita
De facili poterat naues euertere ripa.

Fluminis in medio: terrę radicitus herens
Insula multa fuit quo vecta natantibus vlnis
Arma ferens ibat ab vtracq; cohorte iuuentus
Expertura suas paruo certamine vires
Exercebat enim modice discrimine fortis
Qui grauis instabat summi pre ludia casus
In castris macedum res non indigna relatu
Corporibus similes, animisq; fuere Nichanor
Et Symachus: quos vna dies: si creditur vna
Ediderat terris: par militię labor: ambos
Parq; ligabat amor: belli discrimen inibant
In lucro damnoq; pares: si saxa rotare
Tormento iussi: si claudere menibus hostem
Frangere si muros: iunctis vmbonibus ibant
Si frumentatum missi: si cingere fossis
Obsessos: hostem noctu si fallere: siue
Excubijs operam dare: si explorare latentes
Vallibus insidias: quecunq; pericula: bellum
Obieciisset eis: dubie mollimina fortis
Corporis atq; animi: socia paritate ferebant
Horum ergo animos virides animante iuuenta
Nescio quid magnum: conceptum pectore tandem
Effutire parant primusq; vides ne Nichanor
Acer ait Symachus: quam fluminis obice parui
Hereat: & nutet inuicti gloria regis

LIBER NONVS.

Audendum est aliquid: quod nos de margine ripe
 Hostibus expulsis nostra virtute coronet
 Victrici lauro: vel si quid fata minentur
 Induat eterna nudatos corpore fama

Vix ea cum raptio sermone: Nichanor & ipse
 Hocego mente diu tacita dijs testibus inquit
 Concepti, sed iam mora nulla feramur in hostes
 Contenti leuibus armis: nec plura loquuti
 Accincti gladijs rapidos mittuntur in amnes
 Lancea pone natat, ducibus coniungitur istis
 Multa manus fluuij, quos vt vicina recepit
 Insula: confusis resonat clamoribus ether
 Nam predicta frequens loca iam possiderat hostes
 Fit grauis occursum Indorum: grandinis instar
 Tela volant: multasq; ferunt per inania mortes
 At Symachus qui forte prior transuenerat hostes
 Educto mucrone petit: sociusq; Nichanor
 Multo contendit vestire cadauere terram
 Iamq; satis factum gladijs: iam tela rudebant
 Martia purpureis distincto flumine guttis
 Iam poterant iuuenes merita cum laude reuerti
 Sed nullo contenta modo temeraria virtus

Dumq; triumphatis insultant hostibus: ecce
 Occulte subeunt plures morientibus Indi
 Hic dolor hic planctus grauium macedumq; ruine
 Sternitur andromachus: regum generosa propago
 Occumbunt clari titulis ter quinq; quiritis

ALEXANDREIDOS

Quos longo genuit erectos græcia luctus
 Soli restabant animo non sanguine fratres
 Graiugenę: vitę socij: mortisq; futurę
 Quos vbi telorum pressit circumfluis ymber
 Mentibus attonitis hesere: quid esset agendum
 Nam neq; tela viris: neq; lancea quippe minutim
 Vtraq; fracta iacent: igitur quę sola supersunt
 Arma mouent gladios: raptimq; feruntur in hostes
 Sed reprimunt gressus: teneris herentia membris
 Spicula: nec martis opus exercere dabatur
 Cominus. ergo viri quia iam suprema minari
 Fata vident: orant: vt premoriatur vterq;
 Occumbatq; prior: sociosq; superstite: cuius
 Cernere funus erat leto crudelius omni
 Obijciunt igitur sibi se: certantq; vicissim
 Alterius differre necem: dum se obijcit alter
 Dum tamen hic illum: dumq; illum protegit ille
 Ecce gyganteis abies excussa lacertis
 Aduolat. & medijs conatibus arctat vtrumq;
 Affigitq; solo. sic indiuisa iuuentus
 Cuspide nexa iacet. sed nec diuturnus in ipsa
 Morte resedit amor. amplexus inter & inter
 Oscula descendit. moriensq; sua: socij q;
 Morte perit duplici: resoluto corpore tandem
 Tendit ad Elysios augusto tramite campos
 Eredit Porı victoria visa suorum
 Indomitum pectus. nec desperare coggit

LIBER NONVS

Regum euerforem: contemptoremq; pericli
 Omnis Alexandum: Sed qua sibi transitus arce
 Ad Porum pateat: tacito sub corde volutat

Attalus vnus erat: inter tot milia regi
 Persimilis facie: referens & corpore magnum
 Vestibus ornari rex imperialibus illum
 Imperat, vt ripam teneat speciemq; videndi
 Exhibeat Poro regem cessare nec esse
 Ultra sollicitum: qua transitus arte paretur

At rex preter aquam: macedum statione relicta
 Longius abcessit. paucis vt falleret hostem
 Contentus socijs: animosum numina magni
 Propositum iuuere ducis: nam fusa per orbem
 Inuoluit cecis nubes elementa tenebris
 Tantaq; subiectas texit caligo cohortes
 Alter vt alterius vix nosceret ora loquentis
 Hic nubes alijs terroris origo fuisset
 Cum foret ignotum classis ducenda per equos
 Sed cum terreret alios obscurior aer
 Confusus macedo: sua tanquam occasio noctem
 Inducat: primam qua vectabatur in vndas
 Imperat expelli: subducto remige: classem
 Nec mora certatim fluuio commissa quirunt
 Turba ducem sequitur: ripeq; appulsa carenti
 Hostibus arma capit. armata feruntur in hostem.

Porus adhuc aliam quam ceperat ante tueri
 Spectabat ripam: qua regis veste coruscans

ALEXANDREIDOS

Attalus aſtabar: cum Poro nunciuſ affert
 Rectorem macedum & rerum diſcrimen adefſe

Mox ubi lúcidior excuſſit nubila mundus
 Atq; aduerſa phalanx Phebo percuſſa reluxit

Extemplo viſis equitum biſ milia bina
 Hoſtibus obiecit Porus: centumq; cruentis

Plauſtra reſecta viris: qui tela ſimilima nimbo
 Late ſpargentes gemítus mortemq; pluebant

Sed quia perfuli terram violentia nimbi
 Mollierat. nec erat equitabilis area campi

Mole graui curruſ molli tellure lutoq;
 Herebant. & erat minus vtilis vſuſ equorum

Econtra macedo ſolita leuitate per Indos
 Strenuus inuehitur: ſequitur leuiſ ala ruentem

Atq; exerta manuſ: oritur confuſio vocum
 Et lituum clangor. ſed ab illa tympana parte

Caſtigata ſonant: feruent hinc inde ruentes
 In mortem cunei mortalia fila ſorores

Sufficiunt vix nere due que tertia rumpit.
 Primuſ Alexandro laxiſ occurrere freniſ

Auſuſ anhelantem: ſtimuliſ elephantuſ fatigant
 Oppetit Onachideſ: haſta confoſſuſ Yulchon

Perq; tot obiectoſ: inuictuſ & impiger hoſteſ
 Ad Poruſ molitur iter mauortiuſ heroſ

Quem velut extentam ſubiectiſ mœnibuſ artem
 Vt procul aſpexit: elephantuſ terga prementem

Inueni tandem dignumq; ſtupore: meoq;

LIBER NONVS

Par animo discrimen ait, res ecce gerenda
 Cum monstris mihi: cumq; viris illustribus vna
 Dixit, & in leuum torquet vestigia cornu
 Qua grauior belli Poro bellante tumultus
 Aera vexabat, sequitur bellator Ariston
 Polidamasq; sui, ruit ictus Aristonis ense
 Rubricus: & proprio rubricauit sanguine terram
 Polidamanta ratus prolixo euertere conto
 Condacheus: volucris preuentus arundine Glauci
 Oppetit, & terrę moriens immurmurat vde

Iamq; argiua phalanx medium prorūperat agmen
 Indorum: & primis labefactis viribus, inde
 Nutabant acies: tum Porus in agmen equestre
 Iussit agi magnis elephantibus equos
 Sed tardum hoc animal: ac pene immobile gressu
 Nec volucres cursus equare valebat equorum
 Ergo manus macedum: leuis occurrebat, & hoste
 Percusso: refugis ictus vitabat habenis

Sed neq; barbaricis martem exercere sagitta
 Fas est: arcus enim grauis atq; ingens: nisi primo
 Exprimetur humo: nisi curuaretur ab imo
 Non poterat flecti: iamq; aspernantibus Indis
 Imperium Pori: quod sit titubantibus alis
 Cum ducis imperio metus acrior imperat, illi
 Extenuare aciem: turmas hij iungere rursus
 Stare iubent alij: nec erat de milibus vnus
 In medium qui consuleret: tamen agmine Porus

ALEXANDREIDOS

Disposito, rursus dispersa recolligit arma
 Terribilesq; oculis elephantes obicit hosti
 Nec minimum grais monstra iniicere timorem
 Nec solum barritus equos, sed & horrifera aures
 Mouerat humanas; tremulusq; expauerat aer
 Et iam terrificus turbauerat agmina laxis
 Ordinibus stridor, & iam mandare parabant
 Terga fuge; modo victores; cum magnus inertes
 Corripiens macedum cuneos; equites agrianos
 Et Trachas in monstra iubet conuertere gressus
 Extemplo redeunt animi; positoq; timore
 Mortis; in aduerso creuit certamine virtus
 Exhaurit pharetram manus; & letalis harundo
 Non sine morte volans, homines & monstra cruentat
 Dumq; auidi quidam nimis incautiq; sequuntur
 Obtriti pedibus elephantum certa relinquunt
 Defuncti documenta suis; vt partius instent:
 Anceps pugna diu macedum fuit; haud sine multi
 Sanguinis impensa; donec vibrare secures
 Cepere vnanimis; solidosq; pedes elephantum
 Informesq; manus; falcato cedere ferro
 Ergo fatigati iaculis tandemq; cruentis
 Pressi vulneribus, vno simul impete vecti
 Vectoresq; ruunt; tunc vero exercitus amens
 Terga metu comitante dedit; Porumq; serentem
 Missilium nymbos; & ab alto culmine monstri
 Spicula fundentem; medio velut equore solum

LIBER NONVS

Destituere sui, sed cum peteretur ab omni
 Parte lacesitus hinc inde nouemq; fatiscens
 Vulneribus lacer; inspicens auriga tyrannum
 Languentem membris stimulis elephanta fatigat
 Inq; fugam vertit; profugo par fluminis instat
 Ira dei macedo sed dum fugat imbres cruento
 Telorum confossus obit; genibusq; caducis
 Rege magis posito quam fuso nobilis ille
 Procubuit Bucifal; qui tanto principe solo
 Solus erat dignus; cuius de nomine dictam
 Tempore sub paruo pelleus condidit urbem
 Rex igitur dum mittat equum; Porumq; suosq;
 Tardius exequitur, sed frater Taxilis Indis
 Qui preerat, rex ipse quidem; sed deditus illi
 Quem regem mundo dederat fortuna monebat
 Solicite Porum fortunę vt cederet; vtq;
 Tam celebri tam propitio se dederet hosti
 At Porus quamq; marcescens corpore toto
 Defigeret sanguis, fato tamen auspice notam
 Excitus ad vocem, non tu proh deditus inquit
 Taxit es frater; qui transfuga meq; suumq;
 Prodígít imperium; dixit, telumq; quod vnum
 Nondum corruerat manibus contorsit in hostem
 Quod medio iuuenis exceptum pectore tergum
 Rupit, & eterno sopiuit lumina somno
 Seq; fugę rursus commisit; sed fera multis
 Sautia vulneribus penitus defecit; eumq;

LIBER NONVS

Hostibus obiicit peditem, magnoq; sequenti
 Qui ratus extinctum spoliare nobile corpus
 Imperat, at morsu spoliantes cepit avaro
 Attentare elephas, rursusq; imponere dorso
 Seminecem: donec multis turgentia telis
 Interius pepulere foras v italia vitam

At rex vt Porum quem iam credebat auernis
 Immixtum populis erecto lumine vidit
 Attollentem oculos: odium clementia vicit
 Et que Pore tuos inquit dementia sensus
 Ebria peruertit, vt cum tibi nota mearum
 Rerum, fama foret: cur tanto perditte fastu
 Auderes mihi collatis occurrere signis,

At Porus quia queris ait: respondeo tanta
 Libertate tibi: quantam mihi magne dedisti
 Querendo prius, ante malum certaminis huius
 Nemo erat in terris quem posse resistere quemve
 Censerem mihi Marte parem vel mente: meamq;
 Vim noram & meritum: nondum tua fata tuasq;
 Expertus vires: sed quam me fortior esses
 Euentus belli docuit: tibi vero secundus
 Non minimum videor felix mihi: nec tamen isto
 Attollas animum casu quia viceris ipse
 Exemplum tibi sum: qui cum fortissimus essem
 Fortius inueni: ne dixeris esse beatum
 Qui quo crescat habet: nisi quo decrescere possit
 Non habeat: satius est non ascendere quam post

ALEXANDREIDOS

Ascensum ingredi; melius non crescere quam post
 Auimentum minui, grauius torquentur auari
 Amissi memores; quam delectentur habendo
 Proinde tui cursus frenum moderare caduca
 Sunt bona fortunę; stabilisq; ignara fauoris
 Miratur macedo fortunę turbine regem
 Infractum, victumq; animum victoris habentem
 Ergo refrenata mutati pectoris ira
 Contra spem procerum curauit protinus egrum
 Curatum fouit; confirmatumq; benigne
 Inter amicorum cetus numerumq; recepit
 Largius exhibuit dilatauitq; prioris
 Imperij metas; tantoq; exceptus honore
 Est hostis quantum sibi vix sperasset amicus
 Postquam magnificus macedum victricibus armis
 Succubuit Porus; succumbere nescius ante
 Elatus macedo cui vix cedentibus astris
 Prodiga tam celebrem dederat fortuna triumphum
 Quo mediante sibi fines orientis apertos
 Censebat laxis prope festinat habenis
 Orbis in extremas committere pręlia gentes
 Oceanicq; suis populos adiungere castris
 Ocior ergo nothis; Indos extremaq; mundi
 Clymata subijciens; populos regesq; pererrans
 Non minus humanis portenti menibus infert
 Terrorisve minus nocturni fulguris igne
 Quem sequitur fragor & fractę collisio nubis

ALEXANDREIDOS

Et vaga pallentem motura tonitrua mundum
 Mentem preteritę memorem terrentia culpę
 Aufa tamen fatis; macedumq; resistere famę
 Gens Sudracharum, validę se męnibus vrbis
 Inclusit, dubio metuens se credere marti
 Aptari scalas iubet; & cunctantibus illis
 Primus in oppositum galeato vertice murum
 Euasit macedo: sed erat locus arctus; vt ipsum
 Vix caperet murus: sic ergo suprema tenebat
 Vt magis hereret q̄ stare, cum tamen ille
 Mille citaretur iaculis ex turribus vnus
 Nec macedum quisq; gradibus succedere posset
 Quippe ascendentes remouebat ab aggere missus
 Missilium turbo: tandem discrimina vimq;
 Telorum vincit pudor & confusio frontis
 Nam mora subsidij poterat compellere lenti
 Dederet vt sese vel morti forte vel hosti
 Festinant igitur certatim ascendere vite
 Pignore postposito, sed festinando morantur
 Auxilium; nam dum certant ascendere scalas
 Plus ornant; quibus effractis ruit omnis ab alto
 In se lapsa manus, & desperare coegit
 Spem macedum magnus: quę solum stare videbāt
 Tanq; in defectu fuerit desertus ab illis
 Iamq; manus clypeum qua contorquebat ad ictus
 Lassa minabatur defectum: iamq; monebant
 Clamantes socij celer vt resiliiret; & ipsum

LIBER NONVS

Exciperent; tum rex ausus mirabile dictu
 Atq; fide maius saltu se prepete dira
 Barbarie plenam preceps immisit in urbem
 Indignum reputans diuino stemate princeps
 Tot clarus titulis, si tergum ostenderet hosti
 Queritur an fortis factu; an temerarius isto
 Rex fuerit, sed si contraria iungere curas
 Et fortis fuit & factu temerarius isto
 Cuncq; capi viuis posset perimi ve priusq;
 Surgeret, excussit fortuna potenter vtruncq;
 Et miro miranda modo; protexit alumnum
 Sic etenim macedo corpus libauerat, vt se
 Exciperet pedibus; stans ergo lacessere pugnam
 Cepit, & a tergo ne posset ab hoste necari
 Magnipotens fortuna duci prouiderat ante
 Stabat enim laurus annoso stipite; tanquam
 Nata ducem macedum vetulis defendere ramis
 Huius vt applicuit trunco insuperabile corpus
 Vltio celestis; clypeum circumtulit; ictus
 Telorum excipiens, cuncq; omnes eminus vnum
 Impeterent, propius accedere nemo; manum ve
 Conferre audebat, celeberrima fama verendi,
 Nominis; indomitum iam dilatata per orbem
 Pro duce pugnavit, & desperatio magne
 Virtutis, stimulus & honeste occasio mortis
 Sed clypeum iam missilium perfoderat ymber
 Fractaq; plangebatur saxorum turbine callis

ALEXANDREIDOS

Lubrica succiderant genua, & labefacta laboris
 Pondere continui: vix sustentare valebant
 Exiguum corpus: quod cum spoliare pararent
Qui stabant propius: hos sic mucrone recepit
 Magnus, vt ante ipsum vita fugiente iacerent
 Exanimés gemini: quorum sic terruit omnes
 Sudrachus obitus: vt nemo laceffere deinceps
 Cominus auderet collato robore magnum
 Ille tamen genibus exceptum corpus ad omnes
 Ictus expositum: non egre tygridis instar
 Ense tuebatur, donec per inane sagitta
 Accelerans: latus in dextrum scelus ausa cucurrit
 Cuius ad introitum crudo de vulnere tantum
 Sanguinis emicuit: vt rex tremefactus & amens
 Non posset telum nutanti vellere dextra
 Exangues igitur afflictū corporis artus
 Applicuit lauro moribundus, & arma remisit
 Accurrens alacer iaculum qui miserat Indus
 Exanimem credens regem spoliare parabat
 Quem simul ac sensit corpus regale prophana
 Attentare manu macedo: proh dedecus inquit
 Mene ducem macedum nosti, nec plura loquutus
 Languentem reuocans animū: nudum latus hostis
 Subiecto mucrone fodit, iungitq; duobus
 Exanimem socijs: talem decet ire sub vmbra
 Inquit Alexandrum: talis mihi nuncius esto
 Dixit, & vt moriens inuictus dimicet ante

LIBER NONVS

Q̄ facer in tenues; vanescat spiritus auras
 Se clypeo. & lauri ramis attollere tentat
 Sed neq; sic proferre potest venerabile corpus
 Poplite succiduo rursus procumbit: & hostem
 Prouocat. erecto si quis contingere ferro
 Audeat. & tantę spoliū sibi tollere palmę

Tandem alia muri vestigia parte sequutus
 Pencestres; pulsus propugnatoribus vrbis
 Impiger irrumpens aditus & claustra relecto
 Ense superuenit; tremulo quem lumine postiq;
 Intuitus macedo; iam non solatia vitę
 Sed mortis sociū ratus aduenisse; tepenti
 Exceptit clypeo corpus; subit inde Tymeus
 Deinde Leunatus & Aristonius: omnibus isti
 Indis oppositi; regem defendere totis
 Viribus ardescunt. sed dum tot milia soli
 Reijcerent; cecidit preclara mente Tymeus
 Pancestresq; graui capitis discrimine lesus
 Deinde Leunatus armis iacuerē remissis
 Ante pedes regis; iam spes in Aristone solo
 Vnica restabat. sed & ipse ruentibus Indis
 Saucius. haut poterat tantos inhibere furores

Interea cecidisse ducem intra mœnia rumor
 Pertulit ad grecos; alios tam dira timore
 Fregisset; sed eos animauit fama pericli
 Totius immemores; murum fregere dolabris
 Moliticy aditum; spreto discrimine mortis

ALEXANDREIDOS

Per murum fecere viam; perit obuia passim
 Turba cadit sine quo delectu sexus & gras
 Omnis Alexandro mortis seu vulneris actor
 Creditur; occurrit quicumq; nec improbus iram
 Deposuit gladius: donec superesse ruine
 Desijt. & dextrę ferenti defuit hostis

Nec mora concurrunt auidi curare iacentem
 Pelleum proceres; referuntq; in castra deorum
 Inuidiam, cuius nudato vulnere magnus
 Inter doctores medicę Aristobolus artis
 Comperit hamata percussum cuspide regem
 Nec posse educi; nisi vulnus docta secando
 Augeret manus & ferrum; multumq; cruoris
 Ne traheret fluxum cuspis retracta trementi
 Mente verebatur; igitur cum fata videret
 Si male curaret regem: sibi triste minari
 Inq; suum reditura caput mala: pectore stabat
 Attonito; quem rex stupidum vt percepit amictu
 Siccantem lachrimas; & captum mente, quid inquit
 Expectas. cum sit hoc insanabile vulnus
 Me saltem lento moriturum absoluerę leto
 Cuncq; mihi possis celeri succurrere morte
 An metuis, ne sis fati reus huius, at ille
 Siue nihil metuens sibi tandem; siue timorem
 Dissimulans, supplex orauit; vt ipse tenendum
 Preberet corpus teli dum velleret hamos
 Quippe leuem motum quantumlibet affore vite

LIBER NONVS

Non leue discrimen: non est ait, ille decorum
Vinciri regem aristobole siue teneri
Libera sit regis & semper salua potestas
Sic ait: & quod vix auderes credere: corpus
Prebuit immotum nec vultus signa doloris
Contraxit rugas: sed abacta cuspide: postquam
Largior emicuit patefacto vulnere sanguis
Suffudit caligo oculos: animumq; labantem
Suspendit tantus dolor: vt moribundus ab ipsis
Qui circumstabant: vix susciperetur amicis
Quod simul acceptum est: oritur per castra tumultus
Flebilis: & macedum ruit in lamenta iuuentus
Confessi se omnes vnitus viuere vita
Nec prius obticuit clamor: quam pollice docto
Restrinxit fluxum medicis Aristobolus herbis
Tunc demum somno licuit succumbere magnum
Tunc demum accepta regis per castra salute
Exule mesticia, turmas statuere per omnes
Prodiga letitig: positis solennia mensis
Qualis in egeo Borea bachante profundo
Exoritur clamor: cum fracta puppe magister
Voluitur in medios immerso vertice fluctus
Fit fragor, & similem timet vnusquisq; ruinam
Secq; omnes anima perijisse fatentur in vna
Si tamen incolumem reuocare tenacibus vncis
Et clauum reparare queant: sonat aura tumultu
Letitig, & primum vincunt noua gaudia luctum

ALEXANDREIDOS

Postq̄ pellei curando vulnere pauci
 Effluxere dies: cum nondum obducta cicatrix
 Posse videretur grauiorem gignere morbum
 Impatiens tamen ille more: parat arma repostis
 Gentibus oceani, & celeres inferre Sarissas
 Perdomitocq; sibi nascentis cardine phœbi
 Querere nescitum Nyli mortalibus ortum
 Regibus Indorum Poro; Abissariq; iuuantem
 Taxilenauiq; mandat cura parandi
 Rumor hic attonitas impleuit militis aures
 Cuncq; fatigati regisq; sueq; salutem
 Consulerent proceres, cuncti velut agmine facto
 Conuenere duces: quorum cratherus ad ipsum
 Vota precepitq; ferens: tua regum maxime virtus
 Inquit, & esuries mentis cui maximus iste
 Non satis est orbis: quem proponunt sibi finem
 Vel quem sunt habitura modum: tua si tibi vilis
 Ut nunc est vel cara minus preciosa tuorum
 Sit saltem tibi magne salus: gens omnis in istos
 Conspiret iugulos: lateat sub classibus equor
 Cuncta venenatos acuant animalia dentes
 Quelibet occurrat ignoto belua vultu
 Omnibus obice nos terre pelagicq; periculis
 Dum modo te serues, dum tu tibi parcere cures
 Ad noua tendentes semper discrimina: quis nos
 Inuictos poterit totiens prestare, secundq;
 Res ita se prebent, vt nulli fas sit in vno

LIBER NONVS

Semper stare gradu, sed quis spondere deorum
Audeat hoc macedum diuturnum te fore fidus
Quis te precipitem per mundi lubrica possit
Incolumem seruare diu; cur te manifestis
Casibus obicis: vt capias ignobile castrum
Cum labor & merces equa sibi lance coherent
Et causis paribus respondent premia damnis
Dulcior esse solet fructus: maiorq; secundis
Rebus, & aduersis maius solamen habendi
Esto tidi deinceps; & nobis partior in te
Obice nos cui vis portento; ignobile bellum
Degeneres pugnas obscura pericula vita
Gloria quanta libet vili sordescit in hoste
Indignum satis est; vt consummetur in illis
Gloria vel virtus: vbi multo parta labore
Ostendi nequeant: eadem Phtolomeus & omnis
Concio cum lachrimis confusa voce perorat
Non fuit eacide pietas ingrata suorum
Atq; ita non minimum vobis obnoxius inquit
Aut ingratus ero; non solum quod scio nostram
Vos hodie proceres vestre preferre saluti
Sed quod ab introitu regni vel origine belli
Erga me nullum pietas opus vel amoris
Pignus omisitistis: verum non est mihi prorsus
Mens ea que vobis; neq; enim desistere ceptis
Aut bellum finire volo; non me capit etas
Sed neq; me spacio etatis vel legibus qui

ALEXANDREIDOS

Metior; excedit qui mea gloria metas
 Nec sola est vestrum metiri qua volo regem
 Degeneres animi pectusq; ignobile: summum
 Credunt esse bonum diuturna viuere vita
 Sed mundi rex vnus ego qui mille triumphos
 Non annos vitę numero: vel munera recte
 Computo fortunę: vel si bene clara retractem
 Gesta. diu vixi: Trachas Asiamq; subegi
 Proximus est mundi mihi finis: & absq; deorum
 Vt loquor inuidia nimis & angustus & orbis
 Et terrę tractus domino non sufficit vni
 Quem tamen aggressus postq; hunc subiicero mundū
 En alium vobis aperire sequentibus orbem
 lam mihi constitui: nil insuperabile forti
 Antipodum penetrare sinus: aliamq; videre
 Naturam accelero: mihi si tamen arma negatis
 Non possunt mihi deesse manus: vbi cuncq; manebo
 In theatro mundi totius me reor esse
 Ignotosq; locos vulgusq; ignobile bellis
 Nobilitabo meis: & quas natura remouit
 Gentibus occultas calcabitis hoc. duce terras
 Huius operam dare proposui: nec respuo claram
 Si fortuna velit & in his extinguere vitam
 Dixit. & ad naues socios inuitat. at illi
 Ducat eos quocuncq; velit hortantur. & ecce
 Nauticus exoritur per fluminis hostia clamor.

¶ Finit liber Nonus.